

建置沿革

〔日本國郡沿革考四、琉球〕

一名阿兒奈波

淡海三船僧鑿真傳

古時唯以南島呼之

三善清行僧圓珍傳作流

書、隋書作流求、元史作瑠求、或作流虬

大寶和銅間、內附來貢靈龜元年南島奄美

齊明紀作見島、天武紀作菴美、或云今天草島夜久

度感即德島信覺即石球美等入朝授位有差即是也後與白石阿甌黑島硫黃等凡十二島總稱之

曰鬼界島皆通內地至長寬承安際往々離叛十二島中鬼界以南七島皆不屬時薩摩人阿多權守平

忠景私越海至鬼界遣筑後守平家貞討之不果行文治四年源右將使天野遠景宇都宮信房擊鬼界

降之先是元年鎮西八郎源為朝配流于伊豆大島侵略諸島遂到鬼島懾服島人掠一人而還島人歲

納絹百匹所謂鬼島亦琉球也既而為朝子逃島中代天孫氏為王世襲至于今云中山世譜云宋乾道

流至國生一子而返其子名尊敦後為浦添按司淳熙年間天孫氏二十五紀之裔孫為權臣利足利氏

之時琉球王時遣使貢方物薩摩島津氏世掌接伴後復背叛及東照公之時島津家久奉教招之不至

請而討之慶長十四年遣將南伐平其全島明年家久率其王尙寧入朝于駿府及沓都幕議以琉球賜

島津氏世々為其藩屬以後其使以時從島津氏朝貢

〔中山傳信錄三〕中山世系

中山世鑑云琉球始祖為天孫氏其初有一男一女生於大荒自成夫婦曰阿摩美久生三男二女長

男為天孫氏國主始也二男為諸侯始三男為百姓始長女曰君君二女曰祝祝為國守護神一為天

神一為海神也天孫氏二十五代姓氏今不可考故略之起乙丑終丙午凡一萬七千八百二年今斷

自舜天始

舜天

舜天

宋淳熙十四年丁未舜天即位

舜天日本皇後裔大里按司朝公男子也淳熙七年庚子年十五屢有奇徵長為浦添按司人奉

其政斷獄不違天孫二十五世政衰逆臣利勇恃寵執權燭其君而自立舜天討之利勇死諸按司